



Sungai musnah akibat pencemaran

KESIBUKAN bot panjang berenjin galah berulang-alik di Sungai Kelantan membawa penumpang dan hasil pertanian masih merupakan pemandangan biasa, terutamanya di Ulu Kelantan.

Pengangkutan air di kawasan itu yang merupakan satu-satunya warisan silam kehidupan masyarakat tradisional Melayu kini semakin diancam keladak dan lumpur berikutan kegiatan pembalakan yang tidak terkawal.

Hulu Sungai Kelantan yang juga merupakan kawasan tadahan, yang pada satu masa dulu terkenal dengan kejernihan airnya kini bertukar kemerahan kesan daripada penerokaan tanah hutan sejak beberapa tahun lalu.

Walaupun pemandangan di beberapa kawasan sepanjang perjalanan ke Dabong bermula di Jeti Tangga Krai memukau mata memandang, namun pemandangan di hulu pasti mengecewakan.

Dalam perjalanan memudiki laluan ini, pemandangan beberapa buah perkampungan yang masih kekal dengan kehijauan alam sekeliling di tebing sungai cukup untuk menjadi penawar kesibukan dan kepenatan seharian bekerja bagi mereka yang menggunakan bot untuk berulang-alik dari tempat kerja di bandar Kuala Krai.

Beberapa perkampungan Melayu dikelilingi dusun buah-buahan yang dihuni kira-kira 1,500 penduduk di kiri dan kanan tebing sungai seperti Kampung Sungai Rimau, Raba, Pasir Tinggi Kelewek, Bahagia, Lanchang, Mambong, Batu Apit, Jenal dan Kuala Gris sudah cukup menggambarkan kawasan ini merupakan salah satu penempatan awal masyarakat Melayu yang menjadikan sungai sebagai nadi kehidupan seharian mereka pada suatu ketika dulu.

Walaupun kini terbina rangkaian terbaru sekali Jambatan Dabong yang oleh Perdana Menteri Datuk Seri Anwar Badawi baru-baru ini, pengangkutan mampu menyumbang kepada pertumbuhan sosio-ekonomi masyarakat setempat.

Dalam perjalanan ini, mata akan melihat keindahan deretan bukit batu tebing sungai yang menjadi sebahagian laluan keretapi sama ada dari Tumpuan yang merupakan khazanah alam sebelum belum terusik dengan keunikan tersendiri.

Panorama keretapi menyusuri tebing bukit-bukit berkenaan, juga dipanggil boleh dilihat dengan jelas di tebing



SISA dari kawasan tinggalan lombong emas mengalir masuk dan mengotorkan Sungai Sokor.



SISA balak menghalang aliran anak sungai akibat penebangan hutan dan penanaman getah.